



SENTENTIA, VOTA,  
 ET MOTIVA,  
 IN PROCESSV PROCVRATORIS  
 FISCALIS, VNIVERSITATIS  
 AVGVSTÆ.  
 CONTRA

DD. Dominicum Perez; Ioannem Franciscum Phelip;  
 Petrum Hieronymum Parras; Patrem Magistrum Lu-  
 dovicum Abadia; & Iosephum Lucam Casalete, pu-  
 blicos Cathedralium Moderatores, in Almo,  
 & Cæsaraugustano Lycæo.  
 DD. Augustinum Clemente; Ioannem Baquero; &  
 Hieronymum Andres, publicos Vniversitatis  
 Antagonistas.

SVPER CRIMINALI:

**P**ROMVLGATA à per Illustri Vniversitatis Re-  
 ctore D.D.D. Michaeli Maria & Mendozâ,  
 Archidiacono, & Canonico Cathedralis Eccle-  
 sia Tirasonen. & tam in eius Diœcesi, & Hierosolymi-  
 tana Religione Conservatore, & Synodali Iudice; quam  
 in eiusdem Regnis Aragonia, Castella, & Navarræ (Se-  
 de Vacante) non solum Officiali, & Vicario Generali,  
 sed Archidiaconatus Calataiubij Visitatore. Iam pri-  
 dem in Sertoriano, & Saldubensi Lycæo, Digesti vete-  
 ris, & Primaria Legum Cathedra Moderatore, & nunc  
 ab Vniversitate communi Doctorum voto, & Imperia-  
 lis Augusta Civitatis desiderio, à Catholica Domini no-

A. stri

*stri Regis Maiestate in sequentem annum prorogato  
Rettore.*

*Nec non selectis, & electis ad animi planiorem, & pleniorum consultationem (non sine Astrea, & Austria Serenissimi Principis affatibus) Magnificis Catholicæ Maiestatis Domini nostri Regis Consiliarijs, in quorum pramature iudicio Iurisprudentiæ hereditas, ex asse ponderata conspiciatur, atque decernitur D. D. D. Iosepho de Leyza & Erasso, quondam Imperialium; Institutionum, & Vespertinæ Pontificum Decretorum Cathedralium, in semper Augusto Musæo, subtilissimo Interpretæ; mox in horribilo militum, & Mæoris clangore generali Auditore validissimo: Postmodum in Augustissimo Regni Prætorio Illustrissimi Nomophilacis; & Aragonum Iustitiæ, Locumtenenti vigilantissimo: Deinde Patrimonialis Erarij, & Regiæ Iurisdictionis Vindice, & Advocato Fiscali, & nunc Generalis totius Gubernationis Ordinarij Assessore. Et Gregorio Xulve, iam pridem Baiuli Generalis Consiliario, & nunc, & si ad maiora promeritis promovendo, Officialium totius Regni vigilantissimo Questitore, & Generali Iudice.*

### IESV CHRISTI NOMINE INVOCATO.



**N**OS D. Don Michael Marta, & Mendoza, Rector, & Pro-  
caneellarius Almi Vniversitatis Augustæ, Attent. Cont.  
pronuntiamus, & absolvimus Doctorem Hieronymum  
Andres, à contentis in petitione criminali, contra eum  
pro parte Fisci Vniversitatis oblata, neutram partium,  
in expensis condemnando: Et cum his declaramus,  
Doctores Dominicum Perez, Petrum Hieronymum Parras Gil de Berna-  
be, Patrem Magistrum Ludovicum Abadia illicitos fuisse, & esse deten-  
tores, & peccatores, trium respectivè Philosophiæ Cathedralium, promo-  
tosque, & assumptos ad earum lecturam, passionibus, & conventionibus  
expressè ab Statutis Vniversitatis damnatis, & interdictis, eosdemque, &  
alterum eorum, à lectura, iure, & actione dictarum Cathedralium, pri-  
vamus, & à mune re legendi, & publicè docendi, removemus, & abdicamus:

mas: & à simili eosdem declaramus inhabiles, & incapaces, ad reasumendum certamen, & concursam faciendum, ad nullam Philosophiæ Cathedram, tam ad eas (de iure pariter, & de facto vacantes) quam per tempus, duorum annorum, immediatè sequentium vacaturas, & à die decima octava mensis Aprilis, anni labentis computandum, in cuius spacij intercapedine, tres vacationes, aut vices congressus, vel certamen litterarium ineundi, comprehendantur.

Et cum his, Doctorem Augustinum Clemente, & Doctorem Ioannem Baquero à munere Collationandi, aut relegendi Philosophiæ lectiones cum novis Academiæ Scholasticis, & Candidatis (vulgo de Repasantes de Aula) per idè bienniu respectivè suspendimus, & inhabiles declaramus.

Et à simili Doctorem Iosephum Lucam Casalete, Scientiæ Apollineæ professorem, in quinquaginta aureis, aut libris monetæ lacesis multamus quos omnes in expensis taxandis, & arbitrio nostro distribuendis, & respectivè solvendis condemnamus: Respectu verò Doctoris Ioannis Francisci Phelip, qui lite Criminali durante (iusta persolvens) diem clausit extremum, non fore procedendum ad vteriora decernentes, donec causa sit reasumpta, vel heredes sint repositi, in locum deficientis personæ, vt legitimo tramite finis controversijs, vndiquè, motis imponatur; neutram partium in expensis (demptis prædictis taxandis) condemnando. Cætera supplicata locū non habere, eo nō solum præmiſso, vel alio meliore modo, provt de iure, stylo, vel alias, possimus, & debeamus Iudicantes.

MOTIVA.

**E**X EO, & alijs provt in sententia; quia constat, Statutis Almæ Universitatis Augultæ, privationis poena coërceri Magistros, & Doctores omnes, qui ad honores Scholæ, & præmia Cathedrarum adspirant, si venalitijs suffragijs, corruptis Scholasticorum Iudicijs, pravis, & damnatis pactionibus, optati muneris dignitatem consequuntur, aut conventiones aliquas, quæ in securitatem Cathedrarum tendant fœderibus, etiam implicitis incant, & hoc sine indulgentiæ spe, aut criminis aliqua abolitione futura, sub titulo viceſſimo quinto: *DE LAS CONDICIONES QUE SE REQUIEREN PARA QUE PVEDAN VOTAR LOS ESTUDIANTES*, cavetur, expressim: *O por via de deposito, ò por qualquiere otro pacto, convencional, ò confidencial, por sí, ò por interpuestas personas, hiziere concierto para assegurar la Catedra, ò promessas implicitas, ò explicitas para sí saliere con ella; que de privado de todos los derechos, y acciones que podia tener en la Cathedra, sin que se pueda dispensar.* Quibus adſtipulantur quasi duobus capitibus commixtis alia eiusdem tituli verba, §. *Si estando vacante alguna Cathedra, no huviere mas de vn Opositor, ibi: Se le dà la posesion en aviendo leido, si es nuevo: sin necesidad de leer, si es antiguo posebedor, con tal que jure, QUE NI DIRECTA, NI INDIRECTAMENTE HA ESTORVADO, QUE OTROS LE HIZIessen OPOSICION.*

Cum ergo de anno 1670. in mense Aprilis ea tempeſtate duæ Philosophiæ Cathedra vacarent, pluresque Doctores, & ex candidatis Theologiæ primores Antagonistæ in Circū profilirent, peractis iam litterariis

excubijs, & pulueris Olympici sudoribus exactis: cum iam censendum de victore foret, pactionibus antelucanis, colludentibus adversarijs, inter se luctores pramia diuilerunt; & Scholasticorum elusa censura, repente omnes a lite defecerunt, & gloriam discriminis, criminosis federibus inquinarunt. Soli ex cinnibus Doctor Dominicus Perez, & Pater Ludovicus Abadia (contrarium forsam sentientibus Munerarijs) miserè fugatis, aut minus decorosè adversarijs repulsi, sine suffragijs Academicæ, ad vnâ, & alteram Cathedram securissimè promoti fuerunt, licet in ambabus vicissim, cum reliquis, dubio Martis eventu, contendissent. Hæc omnia sponte fatetur defensionis loco in iudicio, Magister Abadia, seque in vim pactorum (& si in angustia, sine delectu, & libertatis arbitrio) & conventionum, instrumentis quoque, mille aureorum pœnam spondentibus, adiectis, se Philosophiæ nuncupat professorem. Doctor verò Dominicus Perez, eiusdem fortunæ comes, instrumentis convictus ità, vt in eisdem censendis, & declarandis possessoribus illi cœtis, nec dubitationis locus, nec aliquid infederit Religioni iudicantis arbitrium.

Respectu verò D. Petri Hyeronimi Parras, aliqua pctuit ex verbis statuti suboriri difficultas, scilicet quod ille de anno 1670. Cathedræ Philosophiæ pacificus erat pelfessor, lecturam quæ triennijs, per annum integrè expleverat, nec tunc potuit securitatem ambire, nec Opifitoris nomen perferre, aut pactis ab Statuto improbatis irretiri. Sed hoc faciliè repulsum habuit ex pactis: ille enim futuræ vacationis conscius, & imminentis periculi, forsam indubius, sagacior propriæ securitati contuluit, & providentior meditatus firmitatem, plurima pacta excogitavit ad huc scopum; & finem tendentiâ, & perpetuæ incollumitatis ambitum collimantia. Nihil non est in concordijs, quod de ea Cathedra, tanquam de præsentanti vacanti (licet tranfacto biennio vacatura) providentiâ nõ curet.

In primis, Doctorem Dominicum Perez suum quondam Philosophiæ Præceptorem, quem forsam doctrinæ Suarezistarum Asseclam reverenter agnovit lecturam publicè, & edocturum doctrinam, & opiniones Divi Thomæ, dum Cathedras Philosophiæ moderaretur, coegit, sub pœnâ mille aureorum, exigendorum (si secus ageret) in mortalium examinatorum delecto iudicio: Artellinus eximie doctrinam sacri vatis, & damus libenter pœnè Divinam, & Angelicam, præcunctis alijs nobiliorem, insigniorem; quod hæc spontè eligatur à Magistris, & Doctoribus; vel quod legum conditores Cathedram fundent peculiaris doctrinæ, (provt Cæsaravugustæ in sacra Theologia, erecta floret) sumè laudabile; sed quod inter privatos Doctores, contra mentis ductû huic, vel illi opinionis assentiendû, vel dissentiendû, pœnæ, metu, servilis, voluntas præamatur, captivetur intellectus, severè punibile. Opinio mentis, quasi Religioni, & Fidei cognata suadenda, non imperanda mortalibus: nemo cogitur, vt credat invitus, quia amoris actus, & odij generantur ab animo, non eliciuntur in perio: Præterea pactio hæc, non gloriam sacri Doctores exanbit, sed propriæ ambitionis cœmodum, sicienter anhelat: sic fiet vt, Univerfa Schola dedititia The mistis, Antesignanum Parras cunctis solijs cœnium Cathedrarum, devinctis suffragijs: & pramia Uni-

5  
veritatis iugiter, successione (quasi) hæreditaria, in opinio ne cognatos,  
& intellectus hæredes deriventur.

Deinde Patrem Abadia insignè Academiæ Præceptorè, triennio lecturæ completo, à Philosophiæ Cathedris in perpetuum relegavit, & liberali commercio pænitus interdixit. Similiter decrevit, quod triennio durante ( quo certum erat hanc Doctõris Parras Cathedram vacaturam) Philosophiæ non posset inire congressus: quod amicis, fortuna, & facultatibus, Magister Abadia, Doctõri Parras, opem esset iturus, suumque assertorem semperquè proclamasset, & vindicem. Rursus eius fidei commitebatur, vt comissum fuit, arcere futuros quoque Oppositores, præcipuè si Doctõr Andres, & Pacheco insurgerent. Præterea Doctõrem Andres relegentem, in aula Doctõris Perez adiecit ad sui ipsius nutum amovibilem, si minus ille confidenter se gereret; aut Parras futuri iuvaminis, in suspicionem incideret; ne si postea contententem agnoset, tot Alumnorum auxilijs communitum sentiret. Denique Bacchalaureus Pacheco, in aula Magistri Abadia, vel alius designandus, ad commodum, & utilitatem Doctõris Parras, aut designantur, vel in excogitatis cautelis, huic muneri præficiuntur, & concinantur: quibus omnibus coadunatis, hac in Cathedrâ postea vacanti, ex passionibus retro initis, certum est Doctõrem Parras possessorem extitissè, ergo æquum est pœnis Statuti subiacere, cum ipse appareat, ex tunc pro nunc, sese spontè huic legi subdidisse.

Nec nova, aut acrior dicenda hæc est iudicantis censura; cum hoc ipsum declaratum fuerit ab Integerrimis Claustris assidentibus Consiliarijs (vno tantum reclamante) anno proximè elapso, in huius Cathedræ congressu, & possessionis adeptæ limine: cum enim esset obiectus contra Parras inhabilitatis defectus, à concurrentibus, Civili Arresto publicatus est incapax; cecidisseque à legitimi oppositoris actione, quoque declaratus, & iure. Licet postea, per viam Iurisfirmæ Illustrissimi Domini Iustitiæ Aragonum, declarationis effectus reservatus fuerit, huic criminali, & magis opportuno iudicio: tuncque possessio (magis extorta, quam adepta per Parras) revocabiliter, & dependenter à futuro eventu cavetur expressè à Claustro conferente, esse elargitam.

Viriliter obiciunt, criminali lite pulsati, quod Statuti verba, solum pacta inita cû auditoribus comprehendunt; non verò alia, quæ Oppositores inter se comissent, includant. Sed hoc manifestè convinci videtur, quia verba legis impersonalia sunt; in rem scripta; non paciscentibus; sed pactis ipsis adiecta; & sic quæcunque gesta, tractata, & conventa, quibus exitus Cathedræ reddatur indubius, & bellitationis anceps certioretur eventus, ex mente, & verbis censetur interdicta: & sicut activè respectu Oppositorum ad Scholasticos, extraneas personas includunt, ibi: *Sive per se, vel interpositas personas*, non neminatas, sic passivè respectu Oppositorum inter se, & vnus cum alio, iam cognito, & nominato, pacta, & conventiones repro bant, & à libertate concursus contra liberam, & genericam statutorum observationem, & dispositionem (in principio tituli præcedentis vigesimi quarti) arcent, & eliminant. Immo si mens, & finis Statuti attendatur, in agis exolla, sunt conventa pacta cû

Oppo-

Oppositoribus, quam verbo tenus promissa, & stipulata, ab inconstantibus Scholasticis; sæpe simulantibus affectum; quandoque ad novi stipulatoris verba, antiquata fide, promissa variantibus: deponens, vel spondens pecuniam, sex, vel octo auditores corrumpit, adhuc per accidens spectaturus victoriam. Sed sp̄sor hostis, vel stipulator certantis, occasionem discriminis, & contingentia corrumpit, victoriam sine trepidatione reportat, & Legis mentem sine hæsitacione deludit: quæ enim certior potest esse victoria? Auguratio triumphus? Quam qui in pace firmatur, hoste, & inimico reclusis? Vnde, si hæc ab Statuto demantur, illa verba: *Pacta implicita, vel explicita, siue per se, vel per alium*, cum alijs convenire non possint, inania, & sine effectu forent, subiecta semper cavillationi, & ludibrio.

Nec obstat, quod re integra, spontè partes instrumenta, & obligationes cancellarunt, & quasi dabili loco penitentia, & celsiore à conventus decreverunt. Quia respondetur, quod ea de Patre Magistro Abadia, & Doctore Dominico Perez, proponi non possunt; cum die ipsa pactorum, media noctis conticinio machinatorum, suas respectivè Cathedras adepti fundantur; nam etiam quoad ipsum plenè suum effectum cernuntur sortita. Doctor enim Andres, ante, & postquam à colligatione resiliens, publicè pulsus ab Aula, non solum vis, led factis Doctoris Perez, inperante quoque Doctore Parras, virtute suæ reservationis adiuncta: acciditq; hoc volentibus, sicut & dolentibus Scholasticis; dum à munere relegendi, & conferendi Magistri leçuras, quo pro rostris, & pluribus annis vacarat, in Parras honorem, commoditatem, & fructum minus decorosè proscriptus: foederis id summum, & princeps caput conceidia; nè eius succo doctrina, lactatis adolescentibus, Magistri affectus, sibi conciliaret, robustiorque Antagonista confurgeret: prosperè cesserunt, excogitata, & inventa; prout stata die certaminis, de Doctore Andres, Parras triumphavit, tanquam de inermi bellatore, elusis, vel abdicatis plusquam centum & quinquaginta alumnorum subsidijs: ergo ex die pactorum, nihil aliud Parras curavit, nisi conservationem Cathedrae, & vt immobilis sibi Philosophia sedem constitueret.

Rursus hic conspirant in legem, tria instrumenta guarentigia obligationum pœnalium: vnum quingentarum librarum, in favorem Doctoris Francisci Phelip, in quo obligatus Doctor Lucas Casalate, pro relectoris munere indicendo Doctori Andres, & stipulatione pœnali conservando; hocque non solum durat, sed lis ingens coram Nobis pendet, super cancellatione, creditoris fato, præocupante iudicium: Alia duo sunt instrumenta, mille librarum, vel aureorum, in favorem Doctoris Parras, Clemente, & Baquero: quæ etiam si cancellata à creditoribus perhibeantur, at tamen cancellationes illæ solennes, privata pacta in scriptura minus solenni à partibus seorsim firmata, & subscripta, non solvunt, vel extinguunt; potuit obligatio pœnalis accepto ferri, vel acceptilatione creditoris dissolvi, sed pacta relata, & adimplenda, resoluta obligatione pœnali, & accessoria, virtute suâ principali subsistere: liquet  
etiam

etiam Doctorem Parras, non aliter potuisse promissa in sui favorem dissolvere, nisi Doctor Perez perpetuum relegendem, Doctorem Andres in aula stabili ret, & sic amotio; fuit executio pactorum: conservatio nollente, & reluctantante Parras; esset vera cancellatio, & obligationis adversæ; non tantum labiis, & verbis; sed rebus, & factis, propria solutio; & extinctio. Ex gestis autem in finem contrarium, antè, & post cancellationem, firmari magis pacta, quam infirmari dicuntur.

Deinde mutamus quinquaginta aureis Doctorem Lucam Iosephum Casalete, strenuum Medicinæ professorem; benigno forsan cognitoris arbitrio, quia fideiussor est duobus enarratis instrumentis, & verisimile est, coeuntes pacta, & foedera ab Statutis damnata, inutilia, & inania reputasse, nisi tanto expromissore firma, & exequibilia credidissent.

Cæteri duo; Doctor Augustinus Clemente, & Doctor Ioannes Baquero, ab officio, & muneribus relectorum, biennio durante removentur, aut suspenduntur; quia subscripti manu propria, hæc pacta in sui utilitatem confirmarunt; & in ambobus instrumentis mille aureorum, creditores sunt, & stipulatores spondentiū; & de Cathedris incertis, & vaccaturis, confœderati taxantur; ideòque solum ab exercitio relegendi, & prævia huiusmodi securitate, repelluntur.

Absolvimus tandem (etsi sententiæ ordine inverso) Doctorem Andres à contentis in petitione Fiscali, quia licet in sui favorem, pactum relegendi in Aula Doctoris Perez exprimatur in actis; at tamen de eius scientia, sollicitudine; aut cura, nec testibus, nec scripturis, aut aliqua coniectura probabili convincitur. Potuit alumnus, vel amicus, gratitudinis ergo vestitum, & emeritum conservare Lectorem, & inter tot capita damnata aliquid candoris adiiicere.

Nec supra decisus, visum fuit exemplum obstare, allegatum à Doctore Suelves in casu Doctoris Primarij, Dominici Cebrian, cum Magistro Ioanne Perez de Muncbrega, in alterius Cathedræ Philosophiæ conflictu: ibi enim solum à Claustro Vniversitatis resolutum, possessorem, nullitatis cognitione pendenti, manutenendum fore; in summa, iussimo, iudicio, quod huic plenarie criminaliter intentato, non convenit, nec aliqua ex parte, est exemplar simile.

Denique in observantia Satuti allegata, Reis cõventis, nullum præbuit defensionis auxilium, nec Iudicem lege clementiorem effecit; tum quia non ut decebat probata, nec Claustro laudante detecta, aut aliquo conquerente, contradictorio examini delata. Nec florens hæc Academia, quæ legibus pareat, exemplis iudicat: oportuit sanè cohercère consuetudinis infantiam, nè augmentis consensceret; fors, & quæ nunc Virgulta, neglecta, crevissent in robora. Dignum ergo, ut Schola aliarum cõsulatrix, excellentia non dispar, observantia Legum, & morum asfinitate, esset compar, decerneretque futuris sæclis exemplar, quæ præfenti ambien-  
di Cathedras, normam statuerat, & alias Attent. Content. &c.

